

F8 Memorijakê Slave Ando Auschwitz

Pe rjat kata o 2. avgusto 1944 mundarde le stražarja kata SS ande gasoskê kamere kata Auschwitz-Birkenau sja le 2.897 Řomen taj Sinton, save palpale ašilesas ando „Zigeunerlager“. E memorija pe kaća tragično akcija avili jek kata le maj importantni publikakê memorjakê slave kata la evropaki Řomengi kultura pe vrjama pala dujto ljumako marimos. Svako bêš čiden pe Sinti taj Řom anda antrego Evropa ando Auschwitz-Birkenau po than kaj sas o „Zigeunerlager“ te ankêren kethane e memorjakî slava.



1974

2015

2011

💡 Žanglen tumen

...kê pala agor kata o dujto ljumako marimos nas but decenije čisoskê memorjakê thana palaj genocidoski memorija kata evropakê Sinti taj Řom? E maj angluji memorjaki tabla palaj Řom taj Sinti, kaj deportirime sas ande KZ-ura, pîterdili tek ando bêš 1982 ando Dachau.

✎ Tumari bući

Sî ande tumaro them kak specifičo holokaustosko memorjako djes? Sîkaven jek genocidosko memorijalo palaj Sinti taj Řom! Egzistiril kasavo jeg memorijalo ande tumaro regiono?

📷 Paj fotografija

Memorijakî slava ando KZ Auschwitz-Birkenau po 2. avgusto 2011. Dokumentationszentrum des Kulturvereins österreichischer Roma, Wien/Österreich.



<https://www.romasintigenocide.eu/kalderasch/f>